

Es brawet diese Stad auch ein gut
Hausbier / welchs einem jedern Biereiz-
gen / oder Brawer / vber das eine Braw-
biers / so er des Jhars brawen mag / so
offt er wil / durch das ganze Jhar / zu bra-
wen frey stehet / Wie dann einem jedern
Bürger / der das vermügen hat / Es fallen
hin vnd wider / viel guter Hausbiere / in
dieser Stadt / die sich gar wol / vnd mit ges-
sundheit trincken lassen.

Diese fürtreffliche Stadt Erffurd /
hat viel gaben von Gott dem Allmechtigen /
mit Bier / Wein / Weitz / Saffran /
ñv andern mehr / Darüb gleichē jhrs nicht
leicht in Teudschlanden / dieses fals ges-
funden wird / denn auch besser zehren das
rin ist / dann anderswo / Derhalben auch
eine Uniuersitet / an diesem ort / nicht vbel
gelegen.

Newstetter Bier.

Dieses Biers wird auch des jars
viel zu Erffurdt außgetruncken /
Man helt s für ein gut Bier / vnd
trinckens die Leute / dieses ort
vnd anderswo mehr / gern / Vnd ich kans
auch nicht schelten / denn es hat alles / was
ein gut Bier an ihm haben sol.

Dörffer Bier in Düs- ringen.

Es